

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولتور

نسخه سی ۴۰ پاره در

قانون مجازات

آبونه اولق ایستینر دائرة عدلیه ده
اداره مخصوصه سنه مراجعت
ایتمیده

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه متعلقدر

محاکمات مقدماتی

در سعادت جنایت حکم سنه :

منقاسی اولان طرابلس غربدن فرار
و حرکات غیر مقبوله به اجتناسار ایلدیکی ادعاسیله
متهم اولان ملازم لکدن مطرود حلبلی علی رضا
الآن در دست ایدیه مامش اولدیغندن تاریخندن
اعتباراً جانب ریاستدن کندوسنه مجدداً اون
کون مهمل اعطا قلمشدر مهمل معین ظرفنده
مرقوم کلدیکی حالده قانونه اطاعت ایتماش
نظریله باقیله رق حقوق مدینه دن اسقاط
قلنه جنی و علیهنده دعوا به قیام اولنه جنی و محاکمه
غیایه سی ائاده اموالک حیز آتته آتته جنی
و بوسره ده برکونه ادعایه حق اوله میه جنی کبی
معاملات حیزیه حقنده دخی مدعی عمومیلکه
تبلیغات مقتضیه اجرا قلندیغنی جهتله اصول
محاکمات جزائییه قانونک اوچیوز یتش برنجی
واوچیوز یتش ایکنجی ماده لرندن استنباط
اولنان احکامه توفیقاً اشبو قرارنامه بالنتظیم
اعلان اولتور .

۸۵ نومرولی نسخه ده مندرج جنایت

محکمه سی اعلامنک مابعدی :

ایتدیرمش اولدیغنی و قربان بیرامنده کریمه سی لمعان
خانم خانه سنه کلسیله تکدیرو تحقیر ایتیه رک باریشدقلربی
ولمعان خانم تخصیص ایتش اولدیغنی معاشندن متراکم
اون مجیدیه یی ویردیکنی و اوکیجه کریمه سی بیوک
پدری خیری بکک خانه سنه قالدیغنی و فرداسی
کریمه سی و متهم ابراهیم و پدری ترشیچی حاجی حسن

افندی خانه سنه کلوب کریمه سیله ابراهیم اوکیجه خانه سنه
قالدقلربی و متهم ابراهیم خانه سنه کلدیکی زمان انکه دخی
باریشه رق استفسار خاطر ایتدیکنی و کریمه سیله حافظ
ابراهیم قائم پدری خیری بکک خانه سنه قالدقلربی
کیجه ساعت درت بش راده لرنده ترشیچی حاجی
حسن افندی بالورود اوغانی کورمکه کلدیکندن
و برشی سویله جکندن بخله متهم ابراهیم و پدری
حاجی حسن و زوجیه سی بر او طه ده کیزلیجه بر ساعت
قدر کوریشدکلربی و ابراهیم او طه دن چیقار ایکن
یوزی قزارمش اولدیغنی کورمکه سوال ایدلکده
متهمک : «آه او انام آه او بابام !» دیمش اولدیغنی بالذری
مقبوله خانمندن ایتدیکنی و وقعه نک فرداسی کریمه سی
لمعان خانمک فنا طه ده خسته اولدیغنی خبر ویرملری
اوزرینه موقع جرمه عزیمتده ضابطه اطباسنک
کریمه سنک اتحار ایتش اولدیغنی سویلدکلربی
و مأموریندن استحصال ایتدیکی مساعده اوزرینه
کریمه سنک جسدی خانه سنه نقل ایتدیره رک بالذات
معاینه ایتدیکنده جرحه نک وضعیت واستقامته
و مرینک دخول و خروجنه نظراً وقعه نک اثر
جنایت اولدیغنه قناعت حاصل ایتدکدنصرکه برچوق
اطبایه معاینه ایتدیره رک کریمه سی لمعان خانمده کی
جرحه نک ید آخر ایله ایتقاع ایدلکینه و وقعه نک
اثر جنایت اولدیغنه دائر ایکی قطعه راپور استحصال
ایدرك باستدعایه مرجعه مراجعت ایتدیکنی و قزی
لمعان خانمک صولاق اولدیغنی و سلاح استعمالی
بیلمدیکنی وصول ال ایله روولور آتمق ممکن اولدیغنی
کبی آیلسه بیله جرحه نک اشاعیده اولسی لازم
کله جکینی و جرحه نک وضعیتی روولورک ید آخر ایله
آیلدیغنی میدان قویمده بولندیغنی افاده و بیان ایلدی .
متهم ابراهیم ینه انطاق اولندقدده قربان
بیرامنده احسان بکک خانه سنه کیدرك باریشدقلربی
واحسان بکک کریمه سی لمعان خانمی تکدیر ایدرك
خانه سنندن قوغدیغنی و لمعان خانم ایکی النی دخی
استعمال ایدر ایدوکنی و حین وقعه ده روولوری
ایکی ایله طوته رق آتش ایتدکدن صکره همان یره
آتدیغنی و لمعان خانمک قننی پارمنی تتکده اولدیغنی

بیلمدیکنی و لمعان خانم اولندقدن صکره دخی لاقردی
ایتدیکنی واحسان بکک کریمه سی لمعان خانم پاره
ویردیکنی ایتدیکنی و کندوسی قائم پدری احسان
بکک خانه سنه کیتدیکنده صفا کلدک دیدیکنی واحسان
بکک ویردیکی پاره ایله لمعان خانم آلتان چارشپه
پارچه آلتی اوزره کیتدیکی کونک افشامی رؤیاسنده
بر آوچ باروت یتش اولدیغنی بیان و جانب ریاستدن
رؤیاسنده باروت کوردیکی حالده نه ایچون یاننده
سلاح بولندیغنی و نه ایچون سلاحی میدانده براقدیغنی
حقنده ایراد ایدیلان سواله قارشو اورویانک فنا
اولوب اولدیغنی بیلمدیکنی و کندوسنه عداوتی بولنان
مدعی شخصی احسان بکک افاده سی قبول ایتیه جکینی
آیان ایتدی .

مدعی عمومیلک طرفندن بالا عطا قرائت ایتد .
یریلان شهود بوصله سنده اسملری محرر اولوب دعوت
واقعیه اتباعاً و رود ایتدکلربی خبر ویریلان شاهدلر
برر برر حضور محکمه به چیقاریله رق لدی السؤال
مقبوله خانمندن ماعداسنک طرفیه قرابت و مناسبت
و خصوصتلی اولدیغنی آکلاشدقدن و اصولی وجهله
تحلیف لری اجرا قلندقدن صکره منفرداً و مواجهه
استماع اولندقلرند بولردن اون قپاننده عزبلر
محله سی بکجیسی دیورکلی اوتوز یاشنده امین اغا بن
احمد وقعه کیجه سی ساعت اوچ یحق راده لرند محله یی
طولاشور ایکن ترشیچی حسن افدینسک خانه سی
اوکنندن اثنای مرورنده حسن افدینسک خانه سی
دروننده وزقاق اوستنده کی اوطه ده (بوچوچق
بوراده نه ایچون یاتمش قالح حافظ) دیمکده و کیم اولدیغنی
بیلمدیکی برقادرین دخی (بورایه کلدی شمدی یآدی)
جوانی ویرمکده اولدیغنی ایتدیکنی و یکرمی دقیقه
صکره حسن افدینسک خانه سی اتصالنده کی بقال دکاننک
اوکنه کلدکدیکنده حسن افدینسک خانه سنندن چیقوب
تلاش ایله کندوسنه طوغری کلدیکنی کوره رک
سؤالنده (زرم کلین کندی کندیسی اوردی) دیدیکنی
وطیبیه کیتمش اولان حافظ ابراهیمی آرادیغنی سویلد
یدیکنی و حسن افدینسک خانه سنک یوقاروسنه
چیقدیغنده صوفه ده حسن افدینسک و قومشوسی صالح

جزانك يوز التمش اوچنجى مادهسى موجبجه جنائتله اتهاملرينه قرار ویرلدیکندن متهمان مرقومانك هر نره ده کوریلورلرسه طوتیلوب محکمه مذکوره توقیفخانه سینه تسلیماری لازمکله چکی بالجله ضابطه عدليه مأمورلرینك معلومی اولمق اوزره اشبو اخذ وکرفت مذکوره سی درسعادت هیئت اتهامیه سندن بالتنظیم اعطا قلندی .

بیك اوچیوز اون یدی سیه می کانون ثانیسك یکر می اوچنجی پنجشنبه کیجه سی ساعت اوچده بك اوغلنده امین جامع شریفی جاده سنده لفتك کیفیت جرح وقتلندن طولای مظنون علیه اولوب وقعه یی معقب فرار ایدن اورته بویلی اتنه طولغون آز سیاه بیقلی قاره قاش وصاچلی وقاره کوزلی یکر می ایکی یکر می اوچ یاشلرنده بویاجی اصنافندن پنايوطك اصول محاکمات جزائیة قانونك مواد مخصوصه سی احکامنه توفیقاً جنایت محکمه سنده محاکمه سی اجرا قلنمق اوزره قانون جزانك يوز یتمش دردنجی ماده سی موجبجه جنائتله اتهامه قرار ویرلدیکندن متهم مرقومك هر نره ده کوریلورلرسه طوتیلوب محکمه مذکوره توقیفخانه سینه تسلیمی لازمکله چکی بالجله ضابطه عدليه مأمورلرینك معلومی اولمق اوزره اشبو اخذ وکرفت مذکوره سی درسعادت هیئت اتهامیه سندن بالتنظیم اعطا قلندی .

بك اوغلی بابت محکمه سی ایکنجی مقرونه دائره سنده : یونان دولتی تبعه سندن قسطنطین ولد یورکینك مدعی علیه دیمتری لهلی ولد اسپرو ذمتنده مطلوبی اولان قرق عدد عثمانی لیراسنك تحصیل و مبلغ مذکورك تأمین استیفاسی ضمتنده مرقومك استیه ده مقدمافرون والیوم دکان شکانده بولنان ۳۰ و ۳۲ و ۳۴ و ۲ نومرولر ایله مرقم دکانلرک مجموع کدکنك یوز یکر می سهم اعتباریله متصرفه اولدیغی التمش سهمنه و ملکنده اوچ حصه اعتباریله کذلک متصرفه اولدیغی بر حصه سینه وضع ایلدیکی حجزك تصدیق ضمتنده بك اوغلی بدایت محکمه سی ایکنجی حقوق دائره سنده باعرضحال اقامه ایتدیکی دعوی اوزرینه اولبابده تنظیم قلنان دعوتنامه خدمه معرفتیه اقامتگاهنه کوندرلدیکی حالده مرقومك بوغاز ایچنده استیه جاده سنده اوتوز نومرولی میخانه دکاننده اقامت ایتکده اولدیغی حالده غیوبت ایدرك الیوم نره ده اولدیغی مجهول ایدوکی محله سی مختاری طرفدن دعوتنامه ظهرینه شرحله تختم قلنهرق اعاده قلنمش و تصدیق ادعا اولنان حجز نامه نك بر صورتی مدعی علیه مرقومك غیوبتی حسیله دیوانخانه یه تعلیق ایدلك صورتیه تبلیغات لازمه ایفا قلندی مدعی نك ابراز ایلدیکی حجز نامه صورتیه

بك اوغلی مقاولات محرر لکی جانبندن شرح ویرلدیکی آکلاشلمش ومدعی علیه مرقومك معین بر اقامتگاهی اولدیغی جهته اعلان صورتیه معامله تبلیغیه نك اجراسنی طاب ایش و دعوی مذکوره نك فصل ورقتی اوچیوز اون سکر سیه سی اغستوسك یکر می دردنجی جمعه ایرتسی کوننه قرارلشدیریلهرق تنظیم قلنان دعوتنامه ایله بر قطعه عرضحال صورتی اصول محاکمه حقوقیه قانونك یکر می التنجی ماده سی موجبجه محکمه دیوانخانه سینه تعلیق ایدلمش اولدیغندن مدعی علیه مرقوم دیمتری لهلینك يوم مذکوره ساعت الی راده لرنده محکمه مذکوره یه بالذات کلدیکی و طرفندن وکیل کوندرمدیکی حالده حقنده معامله قانونیه نك اجرا قلنهرق معلوم اولمق اوزره اعلان کیفیتیه ابتدار اولنور .

تجارت بحریه محکمه سنده :

استانبولده چقماقچیلر یقوشنده ساکن ایکن افلاسنه حکم ایدلمش اولان مانیفاتوره تجارندن اوسب آلیناقان ذمتنده الاجنی اثبات و یاموقاً قبول وقید ایتدیرمش اولان الاجقیلرک قانوننامه تجارتک ایکیوز اون برنجی وانی ولی ایدن ماده سی موجبجه مفاس مرقوم طرفندن تکلیف اولنهرق قونقور داتونك مذاکره سیچون اشبو شهرتموزك اوتوز برنجی چهارشنبه کونی ساعت یدی راده لرنده محکمه تجارت بحریه نك افلاس اوطه سینه کلری اعلان اولنور .

بشکطاشده ارمنی کلیسای عقاراتنده ساکن ایکن تجارت بحریه محکمه سندن افلاسنه حکم اولنمش اولان آرتین قره مانیانك خصوصات افلاسیه نك رؤیت وتسویه سی ضمتنده دعوی وکیللرندن دیران یرغاتیان افدی اصالة سندیک تعیین قلنمش اولدیغندن مفاس مرقوم ذمتنده آلهجی اولنهرق قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکر می برکون ظرفنده سنداتی محکمه کاتبه تسلیم ایلرلی ومدت مذکوره ختامندن صکره اوچ کونده یعنی اغستوسك اون اوچنجی صالی اون دردنجی چهارشنبه واون بشنجی پنجشنبه کونلرنده تجارت بحریه محکمه نك افلاس اوطه سینه کلهرک سندیک افدی مواجهه سنده آلهجقارنی اثبات وقیدو تصدیق ایتدیرملری ومدت مذکوره ده اثبات وجود ایده میان آلهجقولر حقنده قانون مذکورك ۲۱۰ نجی ماده سینه توفیقاً معامله اولنهرق اعلان اولنور .

ایکنجی محکمه تجارنده :

وزنه جیلر جاده سنده سکسان سکر نومرولی دکانده اجزاجی حمدی افدینك ۲۴ تموز سنه ۳۱۸ تاریخندن اعتباراً اعلان افلاسنه ومصالخ افلاسیه نك رؤیت وتسویه سی ضمتنده اعضا ملازمی عزتلو یاقو افدینك ژوژ قومیسر ودعوی وکیللرندن ماهر وکیل افدیلرک موقت سندیک تعیینلرینه ومغازه وخانه سنده کی اشیا ی زائده بیتیه نك تمهیرینه واوراق ودفاترینك جلبه وكفالت ارانه سینه وبوباده کی قرارک موقه اجراسنه ایکنجی تجارت محکمه سندن قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنمق اوزره کلهرک شهر اغستوسك برنجی چهارشنبه کونی ساعت سکر راده لرنده اصحاب مطلوبك محکمه مذکوره نك افلاس اوطه سینه کلری اعلان اولنور .

درسعادت اعمومات نظامه اجرا دائره سنده :

متوفاة رفیعہ خانم ورثه نك فریقان کرآمدن سعادتلو مدوح پاشا حضرتلری ذمتنده محکوم به آلاجقارلی اولان مبالغک تأمین استیفاسی ایچون وفاء مفروغ خواجه علاءالدین محله سنده تحت قلعہ جاده سنده بالطه جی خانی آلتنده واقع تخمیناً یوز یکر می آرشون عرصه اوزرینه مبنی فوقنده درت اوطه یی حاوی سنوی الی عدد عثمانی لیراسی ایچار کتیر قرق الی نومرولی بر باب سمیدجی فرونی کدکنك یوز یکر می سهم اعتباریله قرق بش سهم حصه نك تاریخ اعلاندن اعتباراً اون بش کون صکره بالمزایده فروخته تشبث اولنهرق اعلانات نظامیه اجرا دائره سندن اعلان اولنور .

یانی وولطونك بااعلام نظامی دیمتری ذمتنده الاجنی اولان مبالغ معلومه نك تأمین استیفاسیچون مرهون وفروختی محکوم بولنان ایوانسرایده عتیق مصطفی پاشا محله سنده ایوانسرای قپوسی زقاغنده تخمیناً یتمش ایکی آرشون عرصه اوزرینه مبنی درت اوطه واوزرنده داراجه وبرمطبخ وبر قیوسی اولوب آرقه جهتنده ده تخمیناً طقسان طقوز آرشون باغچه یی حاوی بولنان کارگیر اون بش نومرولو خانه نك تاریخ اعلاندن اعتباراً اون بش کون صکره بالمزایده فروخته تشبث اولنهرق درسعادت اعلانات نظامیه اجرا دائره سندن اعلان اولنور .